

# 地藏菩萨本愿经目录

香赞

觉林菩萨偈

忉利天宫神通品第一

分身集会品第二

观众生业缘品第三

阎浮众生业感品第四

地狱名号品第五

如来赞叹品第六

利益存亡品第七

阎罗王众赞叹品第八

称佛名号品第九

校量布施功德缘品第十

地神护法品第十一

见闻利益品第十二

嘱累人天品第十三

往生咒

# 地藏菩萨本愿经

## 香赞 ↑

炉香乍热，法界蒙熏，诸佛海会悉遥闻，随处结祥云，诚意方殷，诸佛现全身。

南无香云盖菩萨摩訶萨！（三称）

## 净口业真言

唵，修唎修唎，摩訶修唎，修修唎，萨婆訶。

## 净意业真言

唵，嚩日啰怛訶贺斛。

## 净身业真言

唵，修多唎，修多唎，修摩唎，修摩唎，娑婆訶。

## 安土地真言

南无三满哆，母驮喃，唵，度噜度噜地尾萨婆訶。

## 普供养真言

唵，誝誝曩，三婆嚩，伐日啰斛。

## 觉林菩萨偈 ↑

华严第四会，夜摩天宫，无量菩萨来集，说偈赞佛。  
尔时觉林菩萨，承佛威力，徧观十方，而说颂言：

譬如工画师	分布诸彩色
虚妄取异相	大种无差别
大种中无色	色中无大种

亦不离大种 而有色可得  
心中无彩画 彩画中无心  
然不离于心 有彩画可得  
彼心恒不住 无量难思议  
示现一切色 各各不相<sup>xiāng</sup>知  
譬如工画师 不能知自心  
而由心故画 诸法性如是  
心如工画师 能画诸世间  
五蕴悉从生 无法而不造  
如心佛亦尔 如佛众生然  
应知佛与心 体性皆无尽  
若人知心行 普造诸世间  
是人则见佛 了佛真实性  
心不住于身 身亦不住心  
而能作佛事 自在未曾有  
若人欲了知 三世一切佛  
应观法界性 一切唯心造

赞

稽<sup>qǐ</sup>首本然净心地 无尽佛藏<sup>zàng</sup>大慈尊  
南方世界涌<sup>yǒng</sup>香云 香雨花云及花雨  
宝雨宝云无数种 为祥为瑞徧<sup>biàn</sup>庄严

天人问佛是何因 佛言地藏<sup>zàng</sup>菩萨至  
三世如来同赞叹 十方菩萨共皈依  
我今宿植善因缘 称扬地藏<sup>zàng</sup>真功德

慈因积善，誓救众生，手中金锡，振开地狱之门。  
掌上明珠，光摄大千世界。智慧音里，吉祥云中，为阎  
浮提苦众生，作大证明功德主。大悲大愿，大圣大慈，  
本尊地藏<sup>zàng</sup>菩萨摩诃萨。

南无本师释迦牟尼佛！（三称）

## 开经偈

无上甚深微妙法 百千万劫难遭遇  
我今见闻得受持 愿解如来真实义

## 地藏菩萨本愿经 卷上

唐于阗国三藏沙门实叉难陀译  
切利<sup>dāo</sup>天宫神通品第一 ↑

如是我闻：

一时佛在切利<sup>dāo</sup>天、为母说法。尔时十方无量世界、  
不可说不可说一切诸佛、及大菩萨摩诃萨、皆来集会，  
赞叹释迦牟尼佛、能於五浊恶世、现不可思议大智慧神  
通之力，调伏<sup>tiáo</sup>刚强众生、知苦乐法。各遣侍者问讯世尊。

是时如来含笑、放百千万亿大光明云，所谓大圆满  
光明云、大慈悲光明云、大智慧光明云、大般若<sup>bō</sup>光明云、

大三昧光明云、大吉祥光明云、大福德光明云、大功德光明云、大皈依光明云、大赞叹光明云。

放如是等不可说光明云已，又出种种微妙之音，所谓檀波罗蜜音、尸波罗蜜音、<sup>chàn</sup> 麁提波罗密音、<sup>pí</sup> 毗离耶波罗蜜音、<sup>bō</sup> 禅波罗蜜音、般若波罗密音、慈悲音、喜舍音、<sup>xiè</sup> 解脱音、无漏音、智慧音、大智慧音、师子吼音、大师子吼音、云雷音、大云雷音。

出如是等不可说不可说音已，<sup>suō</sup> 娑婆世界、及他方国<sup>dù</sup> 土，有无量亿天龙鬼神，亦集到<sup>dāo</sup> 忉利天宫，所谓四天王<sup>dāo</sup> 天、<sup>yàn</sup> 忉利天、<sup>lè</sup> 须焰摩天、兜率陀天、化乐天、他化自在<sup>fàn</sup> 天、<sup>fàn fū</sup> 梵众天、<sup>fàn</sup> 梵辅天、<sup>shǎo</sup> 大梵天、无量光天、光<sup>shǎo</sup> 音天、少净天、无量净天、<sup>biàn</sup> 徧净天、福生天、福爱天、广果天、无想天、无烦天、无热天、善见天、善现天、色究竟天、<sup>xī</sup> 摩醯首罗天，乃至非想非非想处天，一切天众、龙众、鬼神等众，悉来集会。复有他方国<sup>dù</sup> 土、及<sup>suō</sup> 娑婆世界、海神、江神、河神、树神、山神、地神、川泽神、苗稼神、昼神、夜神、空神、天神、饮食神、草木神，如是等神，皆来集会。复有他方国<sup>dù</sup> 土、及<sup>suō</sup> 娑婆世界、诸大鬼王，所谓<sup>dàn</sup> 恶目鬼王、<sup>dàn</sup> 噉血鬼王、<sup>dàn</sup> 噉精气鬼王、<sup>dàn</sup> 噉胎卵鬼王、行病鬼王、摄毒鬼王、慈心鬼王、福利鬼王、大爱敬鬼王，如是等鬼王，皆来集会。

尔时释迦牟尼佛、告文殊师利法王子菩萨摩诃萨：  
汝观是一切诸佛菩萨、及天龙鬼神，此世界、他世界，  
此国土、他国土，如是今来集会、到忉利天者，汝知数不？

文殊师利白佛言：世尊！若以我神力，千劫测度、  
不能得知。

佛告文殊师利：吾以佛眼观故，犹不尽数。此皆是  
地藏菩萨久远劫来，已度、当度、未度，已成就、当成  
就、未成就。

文殊师利白佛言：世尊，我已过去久修善根，证无  
碍智，闻佛所言，即当信受；小果声闻、天龙八部、及  
未来世诸众生等，虽闻如来诚实之语，必怀疑惑，设使  
顶受，未免兴谤。唯愿世尊、广说地藏菩萨摩诃萨、因  
地作何行？立何愿？而能成就不思议事。

佛告文殊师利：譬如三千大千世界所有草木丛林、  
稻麻竹苇、山石微尘，一物一数、作一恒河，一恒河沙、  
一沙一界，一界之内、一尘一劫，一劫之内、所积尘数、  
尽充为劫。地藏菩萨证十地果位以来，千倍多於上喻，  
何况地藏菩萨在声闻辟支佛地！

文殊师利，此菩萨威神誓愿、不可思议。若未来世，  
有善男子善女人、闻是菩萨名字，或赞叹，或瞻礼，或  
称名，或供养，乃至彩画刻镂塑漆形像，是人当得百返

生于三十三天，永不堕恶道。

文殊师利，是地藏菩萨摩訶萨于过去久远不可说不可说劫前，身为大长者子。时世有佛，号曰师子奋迅具足万行如来。时长者子见佛相好、千福庄严，因问彼佛：作何行愿、而得此相？时师子奋迅具足万行如来告长者子：欲证此身，当须久远度脱一切受苦众生。文殊师利，时长者子因发愿言：我今尽未来际、不可计劫，为是罪苦六道众生、广设方便，尽令解脱，而我自身方成佛道。以是于彼佛前立斯大愿，于今百千万亿那由他不可说劫、尚为菩萨。

又于过去不可思议阿僧祇劫。时世有佛，号曰觉华定自在王如来，彼佛寿命四百千万亿阿僧祇劫。像法之中，有一婆罗门女，宿福深厚，众所钦敬，行住坐卧，诸天卫护。其母信邪，常轻三宝。是时圣女、广设方便，劝诱其母、令生正见，而此女母、未全生信，不久命终，魂神堕在无间地狱。

时婆罗门女、知母在世、不信因果，计当随业、必生恶趣，遂卖家宅，广求香华、及诸供具，于先佛塔寺、大兴供养。见觉华定自在王如来、其形像在一寺中，塑画威容，端严毕备。

时婆罗门女、瞻礼尊容，倍生敬仰。私自念言：佛

名大觉<sup>jué</sup>，具一切智。若在世时，我母死后，傖<sup>tǎng</sup>来问佛，必知处所。时婆罗门女、垂泣良久，瞻恋如来。忽闻空中声曰：泣者圣女、勿至悲哀，我今示汝母之去处。婆罗门女合掌向空、而白空曰：是何神德、宽我忧虑？我自失母以来，昼夜忆恋，无处可问、知母生界。时空中有声、再报女曰：我是汝所瞻礼者、过去觉<sup>jué</sup>华定自在王如来，见汝忆母倍于常情众生之分，故来告示。婆罗门女闻此声已，举身自扑，肢节皆损，左右扶持，良久方苏，而白空曰：愿佛慈愍<sup>mǐn</sup>，速说我母生界，我今身心将死不久。时觉<sup>jué</sup>华定自在王如来、告圣女曰：汝供养毕，但早返舍，端坐思惟吾之名号，即当知母所生去处。

时婆罗门女寻礼佛已，即归其舍。以忆母故，端坐念觉<sup>jué</sup>华定自在王如来。经一日一夜，忽见自身到一海边。其水涌沸<sup>yǒngfèi</sup>，多诸恶兽，尽复铁身，飞走海上，东西驰逐。见诸男子女人，百千万数、出没海中，被诸恶兽争取食噉<sup>dàn</sup>。又见夜叉，其形各异，或多手多眼，多足多头，口牙外出，利刃如剑，驱诸罪人，使近恶兽，复自搏攫<sup>jué</sup>，头足相就。其形万类，不敢久视。时婆罗门女、以念佛力故，自然无惧。

有一鬼王、名曰无毒，稽<sup>qǐ</sup>首来迎，白圣女曰：善哉菩萨！何缘来此？时婆罗门女问鬼王曰：此是何处？无

毒答曰：此是大铁围山、西面第一<sup>chóng</sup>重海。圣女问曰：我闻铁围之内，地狱在中，是事实<sup>fǒu</sup>不？无毒答曰：实有地狱。圣女问曰：我今云何得到狱所？无毒答曰：若非威神，即须业力，非此二事，终不能到。圣女又问：此水何缘、而乃涌<sup>yǒng</sup>沸<sup>fèi</sup>，多诸罪人、及以恶兽？无毒答曰：此是阎浮提造恶众生、新死之者，经四十九日后，无人继<sup>sì</sup>嗣为作功德，救拔<sup>bá</sup>苦难，生时又无善因，当据本业所感地狱，自然先渡此海。海东十万由旬、又有一海，其苦倍此。彼海之东、又有一海，其苦复倍。三业恶因之所招感，共号业海，其处是也。圣女又问鬼王无毒曰：地狱何在？无毒答曰：三海之内，是大地狱，其数百千，各各差别。所谓大者，具有十八。次有五百，苦毒无量。次有千百，亦无量苦。圣女又问大鬼王曰：我母死来未久，不知魂神当至何趣？鬼王问圣女曰：菩萨之母，在生习何<sup>háng</sup>行业？圣女答曰：我母邪见，讥毁三宝，设或暂信，旋又不敬，死虽日浅，未知生处。无毒问曰：菩萨之母，姓氏何等？圣女答曰：我父我母、俱婆罗门种，父号尸罗善现，母号悦帝利。无毒合掌启菩萨曰：愿圣者却返本处，无至忧忆悲恋。悦帝利罪女、生天以来，经今三日，云承孝顺之子、为母设供修福，布施<sup>jué</sup>觉华定自在王如来塔寺。非唯菩萨之母、得脱<sup>jiàn</sup>地狱，应是无间罪

人，此日悉得受乐，俱同生讫。鬼王言毕，合掌而退。

婆罗门女寻如梦归，悟此事已，便于觉华定自在王如来塔像之前、立弘誓愿：愿我尽未来劫，应有罪苦众生，广设方便，使令解脱。

佛告文殊师利：时鬼王无毒者，当今财首菩萨是。婆罗门女者，即地藏菩萨是。

## 分身集会品第二 ↑

尔时百千万亿不可思、不可议、不可量、不可说无量阿僧祇世界，所有地狱处、分身地藏菩萨，俱来集在忉利天宫。以如来神力故，各以方面、与诸得解脱、从业道出者，亦各有千万亿那由他数，共持香华，来供养佛。彼诸同来等辈，皆因地藏菩萨教化，永不退转于阿耨多罗三藐三菩提。是诸众等，久远劫来、流浪生死，六道受苦，暂无休息。以地藏菩萨广大慈悲、深誓愿故，各获果证。既至忉利，心怀踊跃，瞻仰如来，目不暂舍。

尔时世尊舒金色臂、摩百千万亿不可思、不可议、不可量、不可说无量阿僧祇世界诸分身地藏菩萨摩訶萨顶，而作是言：吾于五浊恶世、教化如是刚强众生，令心调伏，舍邪归正，十有一二、尚恶习在。吾亦分身千百亿，广设方便。或有利根，闻即信受；或有善果，勤劝成就；或有暗钝，久化方归；或有业重，不生敬仰。

如是等辈众生，各各差别、分身度脱。或现男子身，或现女人身，或现天龙身，或现神鬼身，或现山林川原、河池泉井，利及于人，悉皆度脱；或现天帝身，或现梵王<sup>fàn</sup>身，或现转轮王身，或现居士身，或现国王身，或现宰辅<sup>fǔ</sup>身，或现官属身，或现比丘、比丘尼、优婆塞、优婆夷身，乃至声闻、罗汉、辟支佛、菩萨等身而以化度，非但佛身独现其前。

汝观吾累劫<sup>lěi</sup>勤苦、度脱如是等难化刚强罪苦众生，其有未调<sup>tiáo</sup>伏者，随业报应，若堕<sup>duò</sup>恶趣、受大苦时，汝当忆念吾在忉利<sup>dāo</sup>天宫殷勤付嘱，令娑婆<sup>suō</sup>世界至弥勒出世已来众生，悉使解脱<sup>xiè</sup>，永离诸苦，遇佛授记。

尔时诸世界分身地藏<sup>zàng</sup>菩萨、共复一形，涕泪哀恋，<sup>tì</sup>白其佛言：我从久远劫来，蒙佛接引，使获不可思议神力，具大智慧。我所分身，徧<sup>biàn</sup>满百千万亿恒河沙世界，每一世界、化百千万亿身，每一身、度百千万亿人，令归敬三宝，永离生死，至涅槃<sup>nièpán</sup>乐。但于佛法中所为善事，一毛一涕<sup>dī</sup>、一沙一尘、或毫发许，我渐度脱，使获大利。唯愿世尊、不以后世恶业众生为虑。如是三白佛言：唯愿世尊、不以后世恶业众生为虑。

尔时佛赞地藏<sup>zàng</sup>菩萨言：善哉善哉！吾助汝喜，汝能成就久远劫来、发弘誓愿，广度将毕，即证菩提。

### 观众生业缘品第三 ↑

尔时佛母摩耶夫人、恭敬合掌问地藏<sup>zàng</sup>菩萨言：圣者！  
阎浮众生、造业差别，所受报应，其事云何？

地藏<sup>zàng</sup>答言：千万世界、乃及国土<sup>dù</sup>，或有地狱，或无  
地狱。或有女人，或无女人。或有佛法，或无佛法。乃  
至声闻、辟支佛、亦复如是。非但地狱罪报一等。

摩耶夫人<sup>chóng</sup>重白菩萨，且愿闻于阎浮罪报所感恶趣。

地藏<sup>zàng</sup>答言：圣母！唯愿听受，我粗说之。

佛母白言：愿圣者说。

尔时地藏<sup>zàng</sup>菩萨白圣母言：南阎浮提、罪报名号如是：  
若有众生，不孝父母，或至杀害<sup>duò jiàn</sup>，当堕无间地狱，千万  
亿劫、求出无期。若有众生，出佛身血，毁谤三宝，不  
敬尊经<sup>duò jiàn</sup>，亦当堕于无间地狱，千万亿劫、求出无期。若  
有众生，侵损常住<sup>diàn</sup>，玷污僧尼<sup>qié</sup>，或伽蓝内<sup>zì</sup>，恣行淫欲，  
或杀或害<sup>duò jiàn</sup>，如是等辈、当堕无间地狱，千万亿劫、求出  
无期。若有众生，伪作沙门，心非沙门，破用常住<sup>duò jiàn</sup>，欺  
诳白衣，违背戒律，种种造恶，如是等辈、当堕无间地  
狱，千万亿劫、求出无期。若有众生，偷窃常住财物、  
谷米、饮食、衣服，乃至一物不与取者<sup>duò jiàn</sup>，当堕无间地狱，  
千万亿劫、求出无期。

地藏<sup>zàng</sup>白言：圣母！若有众生，作如是罪<sup>duò jiàn</sup>，当堕五无间

地狱，求暂停苦一念不得。

摩耶夫人 <sup>chóng</sup>重 <sup>zàng</sup>白地藏 <sup>jiàn</sup>菩萨言：云何名为无间地狱？

地藏 <sup>zàng</sup>白言：圣母！诸有地狱、在大铁围山之内，其大地狱有一十八所；次有五百，名号各别；次有千百，名字亦别。无间 <sup>jiàn</sup>狱者，其狱城周 <sup>zā</sup>币八万余里，其城纯铁，高一万里，城上火聚，少 <sup>shǎo</sup>有空缺。其狱城中，诸狱 <sup>xiāng</sup>相连，名号各别，独有一狱，名曰无间 <sup>jiàn</sup>，其狱周 <sup>zā</sup>币万八千里，狱墙高一千里，悉是铁为，上火彻下，下火彻上。铁蛇铁狗，吐火驰逐。狱墙之上，东西而走。狱中有床 <sup>biàn</sup>，徧满万里。一人受罪，自见其身 <sup>biàn</sup>徧卧满床；千万人受罪，亦各自见身满床上。众业所感，获报如是。

又诸罪人、备受众苦。千百夜叉及以恶鬼，口牙如剑，眼如电光，手复铜爪 <sup>zhǎo</sup>，拖拽罪人。复有夜叉，执大铁戟 <sup>jǐ</sup>，中罪人身，或中口鼻，或中腹背，抛空翻接，或置床上。复有铁鹰 <sup>dàn</sup>瞰罪人目。复有铁蛇 <sup>jiǎo</sup>绞罪人颈。百肢节内，悉下长钉 <sup>bá</sup>，拔舌耕犁，抽肠剉斩 <sup>cuò</sup>，烱铜灌口 <sup>yáng</sup>，热铁缠身。万死千生，业感如是。动经亿劫，求出无期。

此界坏时，寄生他界。他界次坏，转寄他方。他方坏时，辗转 <sup>xiāng</sup>相寄。此界成后，还复而来。无间 <sup>jiàn</sup>罪报，其事如是。

又五事业感，故称无间 <sup>jiàn</sup>。何等为五？一者，日夜受罪，以至劫数，无时间绝，故称无间 <sup>jiàn</sup>。二者，一人亦满，

多人亦满，故称无间。三者，罪器叉棒，鹰蛇狼犬，碓磨锯凿，剉斫镬汤，铁网铁绳，铁驴铁马，生革络首，热铁浇身，饥吞铁丸，渴饮铁汁，从年竟劫，数那由他，苦楚相连，更无间断，故称无间。四者，不问男子女人，羌胡夷狄，老幼贵贱，或龙或神，或天或鬼，罪行业感，悉同受之，故称无间。五者，若堕此狱，从初入时，至百千劫，一日一夜，万死万生，求一念间暂住不得，除非业尽，方得受生，以此连绵，故称无间。

地藏菩萨白圣母言：无间地狱，粗说如是。若广说地狱罪器等名、及诸苦事，一劫之中，求说不尽。

摩耶夫人闻已，愁忧合掌，顶礼而退。

#### 阎浮众生业感品第四 ↑

尔时地藏菩萨摩诃萨白佛言：世尊！我承佛如来威神力故，徧百千万亿世界，分是身形、救拔一切业报众生。若非如来大慈力故，即不能作如是变化。我今又蒙佛付嘱，至阿逸多成佛以来，六道众生，遣令度脱。唯然、世尊！愿不有虑。

尔时佛告地藏菩萨：一切众生未解脱者，性识无定，恶习结业，善习结果。为善为恶，逐境而生。轮转五道，暂无休息，动经尘劫，迷惑障难。如鱼游网，将是长流，脱入暂出，又复遭网。以是等辈，吾当忧念。汝既毕是

往愿、累劫重誓，广度罪辈，吾复何虑！

说是语时，会中有一菩萨摩訶萨、名定自在王，白佛言：世尊！地藏菩萨累劫以来、各发何愿，今蒙世尊殷勤赞叹？唯愿世尊略而说之。

尔时世尊告定自在王菩萨：谛听谛听！善思念之，吾当为汝分别解说。

乃往过去无量阿僧祇那由他不可说劫，尔时有佛，号一切智成就如来、应供、正徧知、明行足、善逝、世间解、无上士、调御丈夫、天人师、佛、世尊，其佛寿命六万劫。未出家时，为小国王，与一邻国王为友，同行十善，饶益众生。其邻国内所有人民，多造众恶。二王议计，广设方便。一王发愿：早成佛道，当度是辈，令使无余。一王发愿：若不先度罪苦，令是安乐，得至菩提，我终未愿成佛。

佛告定自在王菩萨：一王发愿早成佛者，即一切智成就如来是。一王发愿，永度罪苦众生，未愿成佛者，即地藏菩萨是。

复于过去无量阿僧祇劫，有佛出世，名清净莲华目如来，其佛寿命四十劫。像法之中，有一罗汉、福度众生。因次教化，遇一女人、字曰光目，设食供养。罗汉问之：欲愿何等？光目答言：我以母亡之日、资福救拔，

未知我母生处何趣。罗汉愍之，为入定观，见光目女母堕在恶趣、受极大苦。罗汉问光目言：汝母在生、作何行业？今在恶趣受极大苦。光目答言：我母所习，唯好食噉鱼鳖之属。所食鱼鳖，多食其子，或炒或煮，恣情食噉，计其命数，千万复倍。尊者慈愍，如何哀救？罗汉愍之，为作方便，劝光目言：汝可志诚念清净莲华目如来，兼塑画形像，存亡获报。

光目闻已，即舍所爱，寻画佛像而供养之，复恭敬心、悲泣瞻礼。忽于夜后、梦见佛身金色晃耀，如须弥山，放大光明。而告光目：汝母不久当生汝家，才觉饥寒，即当言说。

其后家内婢生一子，未满三日、而乃言说。稽首悲泣、告于光目：生死业缘，果报自受，吾是汝母，久处暗冥。自别汝来，累堕大地狱。蒙汝福力，方得受生。为下贱人，又复短命。寿年十三，更落恶道。汝有何计，令吾脱免？光目闻说，知母无疑，哽咽悲啼而白婢子：既是我母，合知本罪，作何行业，堕于恶道？婢子答言：以杀害毁骂二业受报。若非蒙福、救拔吾难，以是业故，未合解脱。光目问言：地狱罪报，其事云何？婢子答言：罪苦之事，不忍称说，百千岁中、卒白难竟。

光目闻已，啼泪号泣而白空界：愿我之母、永脱地

狱，毕十三岁，更无重罪、及历恶道。十方诸佛慈哀愍我，  
听我为母所发广大誓愿：若得我母永离三途及斯下贱，  
乃至女人之身、永劫不受者。愿我自今日后、对清净莲华  
目如来像前，却后百千万亿劫中，应有世界、所有地狱  
及三恶道诸罪苦众生，誓愿救拔，令离地狱恶趣、畜生、  
饿鬼等，如是罪报等人尽成佛竟，我然后方成正觉！

发誓愿已，具闻清净莲华目如来而告之曰：光目，  
汝大慈愍，善能为母发如是大愿。吾观汝母十三岁毕，  
舍此报已，生为梵志，寿年百岁。过是报后，当生无忧  
国土，寿命不可计劫。后成佛果，广度人天，数如恒河  
沙。

佛告定自在王：尔时罗汉福度光目者，即无尽意菩  
萨是。光目母者，即解脱菩萨是。光目女者，即地藏菩  
萨是。过去久远劫中，如是慈愍，发恒河沙愿、广度众  
生。

未来世中，若有男子女人，不行善者，行恶者，乃  
至不信因果者、邪淫妄语者、两舌恶口者、毁谤大乘者，  
如是诸业众生，必堕恶趣。若遇善知识、劝令一弹指间  
皈依地藏菩萨，是诸众生、即得解脱三恶道报。若能志  
心归敬，及瞻礼赞叹，香华、衣服、种种珍宝、或复饮  
食、如是奉事者。未来百千万亿劫中、常在诸天受胜妙乐。

若天福尽，下生人间，犹百千劫常为帝王，能忆宿命因果本末。定自在王，如是地藏<sup>zàng</sup>菩萨有如此不可思议大威神力，广利众生。汝等诸菩萨，当记是经，广宣流布。

定自在王白佛言：世尊！愿不有虑。我等千万亿菩萨摩訶萨，必能承佛威神，广演是经于阎浮提，利益众生。定自在王菩萨白世尊已，合掌恭敬作礼而退。

尔时四方天王俱从座起，合掌恭敬白佛言：世尊！地藏<sup>zàng</sup>菩萨于久远劫来、发如是大愿，云何至今犹度未绝，更发广大誓言。唯愿世尊为我等说。

佛告四天王：善哉善哉！吾今为汝及未来现在天人众等、广利益故，说地藏<sup>zàng</sup>菩萨于娑婆<sup>suō</sup>世界阎浮提内生死道中，慈哀救拔度脱<sup>bá</sup>一切罪苦众生、方便之事。

四天王言：唯然，世尊！愿乐欲闻。<sup>yào</sup>

佛告四天王：地藏<sup>zàng</sup>菩萨久远劫来、讫<sup>qì</sup>至于今，度脱众生，犹未毕愿，慈愍<sup>mǐn</sup>此世罪苦众生。复观未来无量劫中、因蔓不断，以是之故，又发重<sup>zhòng</sup>愿。如是菩萨于娑婆<sup>suō</sup>世界、阎浮提中，百千万亿方便、而为教化。

四天王，地藏<sup>zàng</sup>菩萨若遇杀生者，说宿殃短命报。若遇窃盗者，说贫穷苦楚报。若遇邪淫者，说雀鸽鸳鸯报。若遇恶口者，说眷属斗争报。若遇毁谤者，说无舌疮口报。若遇瞋<sup>chēnhuì</sup>恚者，说丑陋<sup>lòulóng</sup>癩<sup>qiānlìn</sup>残报。若遇悭吝者，说所求

违愿报。若遇饮食无度者，说饥渴咽病报。若遇畋<sup>tián</sup>猎<sup>zì</sup>恣情者，说惊狂丧命报。若遇悖<sup>bèi</sup>逆父母者，说天地灾杀报。若遇烧山林木者，说狂迷取死报。若遇前后父母恶毒者，说返生鞭挞<sup>tà</sup>现受报。若遇网捕生雏<sup>chú</sup>者，说骨肉分离报。若遇毁谤三宝者，说盲聋<sup>yīn</sup>喑哑报。若遇轻法慢教者，说永处恶道报。若遇破用常住者，说亿劫轮回地狱报。若遇污梵<sup>fàn</sup>诬僧者，说永在畜生报。若遇汤火斩斫<sup>zhuó</sup>伤生者，说轮回递偿报。若遇破戒犯斋者，说禽兽饥饿报。若遇非理毁用者，说所求阙<sup>quē</sup>绝报。若遇吾我贡高者，说卑使下贱报。若遇两舌斗乱者，说无舌百舌报。若遇邪见者，说边地受生报。

如是等阎浮提众生身口意业、恶习结果、百千报应。今粗略说。如是等阎浮提众生业感差别，地藏<sup>zàng</sup>菩萨百千方便而教化之。是诸众生，先受如是等报，后堕<sup>duò</sup>地狱，动经劫数，无有出期。是故汝等护人护国，无令是诸众业、迷惑众生。

四天王闻已，涕泪悲叹合掌而退。

## 地藏菩萨本愿经 卷上

赞

如来慈愍<sup>mǐn</sup>，转大法轮，婆罗门女救慈亲，觉<sup>jué</sup>华度迷津，摩耶夫人，请问地藏<sup>zàng</sup>因。

南无地藏王菩萨！（三称）

## 地藏菩萨本愿经 卷中

唐于阗国三藏沙门实叉难陀译

### 地狱名号品第五 ↑

尔时普贤菩萨摩訶萨白地藏菩萨言：仁者，愿为天  
龙四众、及未来现在一切众生，说娑婆世界、及阎浮提、  
罪苦众生、所受报处、地狱名号、及恶报等事，使未来  
世末法众生、知是果报。

地藏答言：仁者，我今承佛威神、及大士之力，略  
说地狱名号、及罪报恶报之事。仁者，阎浮提东方有山，  
号曰铁围，其山黑邃，无日月光。有大地狱、号极无间；  
又有地狱、名大阿鼻；复有地狱、名曰四角；复有地狱、  
名曰飞刀；复有地狱、名曰火箭；复有地狱、名曰夹山；  
复有地狱、名曰通枪；复有地狱、名曰铁车；复有地狱、  
名曰铁床；复有地狱、名曰铁牛；复有地狱、名曰铁衣；  
复有地狱、名曰千刃；复有地狱、名曰铁驴；复有地狱、  
名曰烊铜；复有地狱、名曰抱柱；复有地狱、名曰流火；  
复有地狱、名曰耕舌；复有地狱、名曰剉首；复有地狱、  
名曰烧脚；复有地狱、名曰噉眼；复有地狱、名曰铁丸；  
复有地狱、名曰诤论；复有地狱、名曰铁鉢；复有地狱、  
名曰多瞋。

地藏<sup>zàng</sup>白言：仁者，铁围之内，有如是等地狱，其数无限。更有叫唤地狱、拔舌<sup>bá</sup>地狱、粪尿地狱、铜锁地狱、火象地狱、火狗地狱、火马地狱、火牛地狱、火山地狱、火石地狱、火床地狱、火梁地狱、火鹰地狱、锯牙地狱、剥皮地狱、饮血地狱、烧手地狱、烧脚地狱、倒刺地狱、火屋地狱、铁屋地狱、火狼地狱，如是等地狱。其中各各复有诸小地狱，或一、或二、或三、或四，乃至百千，其中名号、各各不同。

地藏<sup>zàng</sup>菩萨告普贤菩萨言：仁者，此者皆是南阎浮提行恶众生、业感如是。业力甚大，能敌须弥，能深巨海，能障圣道。是故众生莫轻小恶，以为无罪，死后有报，<sup>xiān</sup>纤毫受之。父子至亲，<sup>qí</sup>歧路各别，<sup>xiāng</sup>纵然相逢，无肯代受。我今承佛威力，略说地狱罪报之事，唯愿仁者暂听是言。

普贤答言：吾已久知三恶道报，望仁者说，令后世末法一切恶<sup>xíng</sup>行众生，闻仁者说，使令归佛。

地藏<sup>zàng</sup>白言：仁者，地狱罪报，其事如是：或有地狱，取罪人舌，使牛耕之。或有地狱，取罪人心，夜叉食之。或有地狱，<sup>huò shèng</sup>镬汤盛沸，煮罪人身。或有地狱，赤烧铜柱，使罪人抱。或有地狱，使诸火烧、<sup>chèn</sup>趁及罪人。或有地狱，一向寒冰。或有地狱，无限粪尿。或有地狱，纯飞<sup>jī lì</sup>锐鏃。或有地狱，多<sup>cuán</sup>攒火枪。或有地狱，唯撞胸背。或有地狱，

但烧手足。或有地狱，盘<sup>jiǎo</sup>绞铁蛇。或有地狱，驱逐铁狗。或有地狱，尽驾铁骡。

仁者，如是等报，各各狱中、有百千种业道之器，无非是铜是铁，是石是火，此四种物，众业<sup>xíng</sup>行感。若广说地狱罪报等事，一一狱中，更有百千种苦楚，何况多狱。我今承佛威神及仁者问，略说如是。若广解说，穷劫不尽。

### 如来赞叹品第六 ↑

尔时世尊举身放大光明。徧<sup>biàn</sup>照百千万亿恒河沙等诸佛世界；出大音声，普告诸佛世界一切诸菩萨摩訶萨，及天龙鬼神人非人等：听吾今日称扬赞叹地<sup>zàng</sup>藏菩萨摩訶萨。于十方世界、现大不可思议威神慈悲之力、救护一切罪苦之事。吾灭度后。汝等诸菩萨大士、及天龙鬼神等，广作方便，卫护是经，令一切众生证涅槃<sup>nièpán lè</sup>乐。

说是语已，会中有一菩萨、名曰普广，合掌恭敬而白佛言：今见世尊赞叹地<sup>zàng</sup>藏菩萨、有如是不可思议大威神德。唯愿世尊为未来世末法众生、宣说地<sup>zàng</sup>藏菩萨利益人天因果等事，使诸天龙八部、及未来世众生、顶受佛语。

尔时世尊告普广菩萨及四众等：谛听谛听！吾当为汝略说地<sup>zàng</sup>藏菩萨利益人天福德之事。

普广白言：唯然，世尊！愿乐欲闻。

佛告普广菩萨：未来世中，若有善男子善女人、闻是地藏菩萨摩诃萨名者，或合掌者、赞叹者、作礼者、恋慕者，是人超越三十劫罪。

普广，若有善男子善女人，或彩画形像，或土石胶漆、金银铜铁，作此菩萨，一瞻一礼者，是人百返生于三十三天，永不堕于恶道。假如天福尽故，下生人间，犹为国王，不失大利。

若有女人、厌女人身，尽心供养地藏菩萨画像、及土石胶漆铜铁等像，如是日日不退，常以华香、饮食、衣服、繒彩、幢旛、钱宝物等供养。是善女人，尽此一报女身，百千万劫、更不生有女人世界，何况复受。除非慈愿力故，要受女身、度脱众生。承斯供养地藏力故、及功德力，百千万劫不受女身。

复次普广，若有女人、厌是丑陋多疾病者，但于地藏像前、志心瞻礼，食顷之间，是人千万劫中所受生身，相貌圆满。是丑陋女人、如不厌女身，即百千万亿生中常为王女，乃及王妃、宰辅大姓、大长者女，端正受生，诸相圆满。由志心故、瞻礼地藏菩萨，获福如是。

复次普广，若有善男子善女人，能对菩萨像前、作诸伎乐，及歌咏赞叹、香华供养，乃至劝于一人多人。

如是等辈，现在世中及未来世，常得百千鬼神日夜卫护，不令恶事辄<sup>zhé</sup>闻其耳，何况亲受诸<sup>hèng</sup>横。

复次普广，未来世中，若有恶人及恶神恶鬼，见有善男子善女人、归敬供养赞叹瞻礼地藏<sup>zàng</sup>菩萨形像，或妄生讥毁，谤无功德及利益事，或露齿笑，或背面非，或劝人共非，或一人非，或多人非，乃至一念生讥毁者，如是之人，贤劫千佛灭度。讥毁之报，尚在阿鼻地狱受极重罪。过是劫已，方受饿鬼；又经千劫，复受畜生；又经千劫，方得人身。纵受人身，贫穷下贱，诸根不具，多被恶业来结其心，不久之间，复堕<sup>duò</sup>恶道。是故普广，讥毁他人供养，尚获此报，何况别生恶见毁灭。

复次普广，若未来世，有男子女人、久处床枕，求生求死、了不可得，或夜梦恶鬼、乃及家亲，或游险道，或多魇寐<sup>yǎnmèi</sup>、共鬼神游，日月岁深，转复尪<sup>wāngzhài</sup>瘵，眠中叫苦，惨凄不乐<sup>lè</sup>者，此皆是业道论对、未定轻重，或难舍寿，或不得愈。男女俗眼，不辨是事。但当对诸佛菩萨像前，高声转读此经一徧<sup>biàn</sup>；或取病人可爱之物，或衣服宝贝、庄园舍宅，对病人前高声唱言：我某甲等，为是病人、对经像前舍诸等物，或供养经像，或造佛菩萨形像，或造塔寺，或燃油灯，或施常住。如是三白病人，遣令闻知。假令诸识分散、至气尽者，乃至一日二日三日四日

至七日以来。但高声白、高声读经，是人命终之后，宿殃重罪、至于五无间罪，永得解脱，所受生处，常知宿命；何况善男子善女人自书此经、或教人书。或自塑画菩萨形像乃至教人塑画。所受果报，必获大利！是故普广，若见有人读诵是经，乃至一念赞叹是经、或恭敬者，汝须百千方便、劝是等人、勤心莫退，能得未来现在千万亿不可思议功德。

复次普广，若未来世诸众生等，或梦或寐、见诸鬼神乃至诸形，或悲或啼、或愁或叹、或恐或怖，此皆是一生十生百生千生过去父母、男女弟妹、夫妻眷属、在于恶趣，未得出离，无处希望福力救拔，当告宿世骨肉，使作方便，愿离恶道。普广，汝以神力，遣是眷属，令对诸佛菩萨像前，志心自读此经，或请人读，其数三遍或七遍。如是恶道眷属，经声毕是遍数，当得解脱，乃至梦寐之中、永不复见，

复次普广，若未来世、有诸下贱等人，或奴或婢，乃至诸不自由之人，觉知宿业，要忏悔者，志心瞻礼地藏菩萨形像，乃至一七日中、念菩萨名可满万遍。如是等人，尽此报后，千万生中、常生尊贵，更不经三恶道苦。

复次普广，若未来世中，阎浮提内，刹利、婆罗门、长者、居士一切人等、及异姓种族、有新产者，或男或

女，七日之中，早与读诵此不思议经典，更为念菩萨名、可满万遍<sup>biàn</sup>。是新生子、或男或女，宿有殃报、便得解脱<sup>xiè</sup>，安乐易养<sup>lè</sup>，寿命增长。若是承福生者，转增安乐<sup>lè</sup>、及与寿命。

复次普广，若未来世众生，于月一日、八日、十四日、十五日、十八日、二十三、二十四、二十八、二十九日、乃至三十日，是诸日等，诸罪结集，定其轻重。南阎浮提众生，举止动念，无不是业，无不是罪，何况恣情杀害，窃盗、邪淫、妄语、百千罪状。能于是十斋日，对佛菩萨诸贤圣像前、读是经一遍<sup>biàn</sup>，东西南北百由旬内、无诸灾难。当此居家，若长若幼，现在未来百千岁中、永离恶趣，能于十斋日每转一遍<sup>biàn</sup>，现世令此居家无诸横病<sup>hèng</sup>，衣食丰溢。

是故普广，当知地藏菩萨<sup>zàng</sup>有如是等、不可说百千万亿大威神力利益之事。阎浮众生、于此大士有大因缘。是诸众生，闻菩萨名，见菩萨像，乃至闻是经三字五字、或一偈一句者，现在殊妙安乐<sup>lè</sup>，未来之世，百千万生、常得端正、生尊贵家。

尔时普广菩萨闻佛如来称扬赞叹地藏菩萨<sup>zàng</sup>已，胡跪合掌、复白佛言：世尊！我久知是大士有如此不可思议神力、及大誓愿力，为未来众生遣知利益，故问如来，

唯然顶受！世尊！当何名此经？使我云何流布？

佛告普广：此经有三名，一名地藏<sup>zàng</sup>本愿，亦名地藏<sup>zàng</sup>本行，亦名地藏<sup>zàng</sup>本誓<sup>hèng</sup>力经。缘此菩萨、久远劫来，发大<sup>zhòng</sup>重愿、利益众生，是故汝等、依愿流布。

普广闻已，合掌恭敬作礼而退。

### 利益存亡品第七 ↑

尔时地藏<sup>zàng</sup>菩萨摩诃萨白佛言：世尊！我观是阎浮众生，举心动念，无非是罪。脱获善利，多退初心。若遇恶缘，念念增益。是等辈人，如履泥涂、负于重石<sup>dán</sup>，渐困渐重，足步深邃<sup>sù</sup>。若得遇知识、替与减负，或全与负。是知识有大力故，复相<sup>xiāng</sup>扶助，劝令牢脚。若达平地，须省<sup>xǐng</sup>恶路，无再经历。

世尊，习恶众生，从纤毫间<sup>xiān</sup>、便至无量。是诸众生有如此习，临命终时，父母眷属、宜为设福、以资前路。或悬<sup>fān</sup>旛盖、及燃油灯；或转读尊经；或供养佛像及诸圣像；乃至念佛菩萨、及辟支佛名字，一名一号、历临终人耳根，或闻在本识。是诸众生所造恶业，计其感果，必堕<sup>duò</sup>恶趣，缘是眷属为临终人修此圣因，如是众罪、悉皆消灭。若能更为身死之后，七七日内、广造众善。能使是诸众生永离恶趣，得生人天，受胜妙乐<sup>lè</sup>，现在眷属、利益无量。

是故我今对佛世尊、及天龙八部人非人等，劝于阎浮提众生，临终之日，慎勿杀害，及造恶缘，拜祭鬼神，求诸魍魉<sup>wǎngliǎng</sup>。何以故？尔所杀害乃至拜祭，无纤毫之力<sup>xiān</sup>、利益亡人，但结罪缘，转增深重。假使来世或现在生、得获圣分，生人天中。缘是临终被诸眷属造是恶因，亦令是命终人殃累对辩，晚生善处；何况临命终人、在生未曾有少善根<sup>shǎo</sup>，各据本业，自受恶趣，何忍眷属更为增业。譬如有人从远地来，绝粮三日，所负担物、强过百斤，忽遇邻人、更附少物<sup>shǎo</sup>，以是之故，转复困重。世尊，我观阎浮众生，但能于诸佛教中、乃至善事<sup>dī</sup>，一毛一涕，一沙一尘，如是利益，悉皆自得。

说是语时，会中有一长者、名曰大辩。是长者久证无生，化度十方，现长者身，合掌恭敬、问地藏菩萨言<sup>zàng</sup>：大士，是南阎浮提众生、命终之后，小大眷属，为修功德，乃至设斋，造众善因，是命终人、得大利益及解脱不<sup>xiè fōu</sup>？

地藏答言<sup>zàng</sup>：长者，我今为未来现在一切众生，承佛威力，略说是事。长者，未来现在诸众生等、临命终日，得闻一佛名、一菩萨名、一辟支佛名，不问有罪无罪，悉得解脱<sup>xiè</sup>。若有男子女人，在生不修善因，多造众罪，命终之后，眷属小大，为造福利，一切圣事，七分之中而乃获一；六分功德，生者自利。以是之故，未来现在

善男女等，闻健自修，分分已获。

无常大鬼，不期而到；冥冥游神，未知罪福；七七日内，如痴如聋。或在诸司、辩论业果，审定之后，据业受生。未测之间，千万愁苦，何况堕于诸恶趣等。是命终人，未得受生，在七七日内，念念之间、望诸骨肉眷属、与造福力救拔；过是日后，随业受报。若是罪人，动经千百岁中、无解脱日。若是五无间罪，堕大地狱，千劫万劫、永受众苦。

复次长者，如是罪业众生，命终之后，眷属骨肉、为修营斋，资助业道，未斋食竟、及营斋之次，米泔菜叶、不弃于地，乃至诸食未献佛僧，勿得先食。如有违食及不精勤，是命终人、了不得力。如精勤护净、奉献佛僧，是命终人、七分获一。是故长者，阎浮众生、若能为其父母乃至眷属，命终之后，设斋供养，志心勤恳。如是之人，存亡获利。

说是语时。忉利天宫、有千万亿那由他阎浮鬼神、悉发无量菩提之心，大辩长者作礼而退。

### 阎罗王众赞叹品第八 ↑

尔时铁围山内，有无量鬼王，与阎罗天子、俱诣忉利，来到佛所。所谓恶毒鬼王、多恶鬼王、大诤鬼王、白虎鬼王、血虎鬼王、赤虎鬼王、散殃鬼王、飞身鬼王、电

光鬼王、狼牙鬼王、千眼鬼王、噉<sup>dàn</sup>兽鬼王、负石鬼王、主耗鬼王、主祸鬼王、主食鬼王、主财鬼王、主畜鬼王、主禽鬼王、主兽鬼王、主魅<sup>mèi</sup>鬼王、主产鬼王、主命鬼王、主疾鬼王、主险鬼王、三日鬼王、四日鬼王、五日鬼王、祁<sup>qí</sup>利失王、大祁<sup>qí</sup>利失王、祁<sup>qí</sup>利叉王、大祁<sup>qí</sup>利叉王、阿那吒<sup>nuózhā</sup>王、大阿那吒<sup>nuózhā</sup>王。如是等大鬼王，各各与百千诸小鬼王，尽居阎浮提，各有所执，各有所主。是诸鬼王、与阎罗天子，承佛威神、及地藏<sup>zàng</sup>菩萨摩诃萨力，俱诣<sup>yì</sup>忉利<sup>dāo</sup>，在一面立。

尔时阎罗天子胡跪合掌白佛言：世尊，我等今者与诸鬼王，承佛威神、及地藏<sup>zàng</sup>菩萨摩诃萨力，方得诣<sup>yì</sup>此忉利<sup>dāo</sup>大会，亦是我等获善利故。我今有小疑事、敢问世尊。唯愿世尊慈悲宣说。

佛告阎罗天子：恣<sup>zì</sup>汝所问，吾为汝说。

是时阎罗天子瞻礼世尊、及回视地藏<sup>zàng</sup>菩萨、而白佛言：世尊！我观地藏<sup>zàng</sup>菩萨在六道中，百千方便而度罪苦众生，不辞疲倦，是大菩萨有如是不可思议神通之事。然诸众生获脱罪报，未久之间、又堕<sup>duò</sup>恶道。世尊！是地藏<sup>zàng</sup>菩萨既有如是不可思议神力，云何众生而不依止善道，永取<sup>xiè</sup>解脱，唯愿世尊为我解说。

佛告阎罗天子：南阎浮提众生，其性刚强，难<sup>tiáo</sup>调难

伏。是大菩萨，于百千劫、头头救拔如是众生，早令解脱。  
是罪报人乃至堕大恶趣，菩萨以方便力，拔出根本业缘、  
而遣悟宿世之事。自是阎浮众生结恶习重，旋出旋入，  
劳斯菩萨久经劫数而作度脱。

譬如有人迷失本家，误入险道，其险道中，多诸夜叉，及虎狼狮子，  
虺蛇蝮蝎。如是迷人、在险道中，须臾之间，即遭诸毒。有一知识，多解大术，善禁是毒、  
乃及夜叉诸恶毒等。忽逢迷人欲进险道、而语之言：咄哉男子，  
为何事故而入此路？有何异术、能制诸毒？是迷路者忽闻是语，  
方知险道，即便退步，求出此路。是善知识，提携接手，引出险道，  
免诸恶毒。至于好道，令得安乐。而语之言：咄哉迷人，自今已后、  
勿履是道。此路入者，卒难得出，复损性命。是迷路者亦生感重。  
临别之时，知识又言：若见亲知及诸路人，若男若女，言于此路多诸毒恶，  
丧失性命。无令是众自取其死。

是故地藏菩萨俱大慈悲，救拔罪苦众生、生人天中，令受妙乐。  
是诸罪众，知业道苦，脱得出离，永不再历。如迷路者误入险道，  
遇善知识引接令出，永不复入；逢见他人，复劝莫入。自言因是迷故，  
得解脱竟，更不复入。若再履践，犹尚迷误，不觉旧曾所落险道，  
或致失命。如堕恶趣，地藏菩萨方便力故，使令解脱，生人天

中。旋又再入，若业结重，永处地狱，无解脱时。

尔时恶毒鬼王合掌恭敬白佛言：世尊！我等诸鬼王，其数无量，在阎浮提，或利益人，或损害人，各各不同。然是业报，使我眷属游行世界，多恶少善。过人家庭、或城邑聚落，庄园房舍。或有男子女人修毛发善事，乃至悬一旛一盖，少香少华。供养佛像及菩萨像；或转读尊经，烧香供养。一句一偈。我等鬼王敬礼是人，如过去现在未来诸佛。敕诸小鬼、各有大力、及土地分，便令卫护，不令恶事横事，恶病横病，乃至不如意事、近于此舍等处，何况入门。

佛赞鬼王：善哉善哉！汝等及与阎罗、能如是拥护善男女等，吾亦告梵王帝释，令卫护汝。

说是语时，会中有一鬼王、名曰主命，白佛言：世尊，我本业缘，主阎浮人命，生时死时，我皆主之。在我本愿，甚欲利益。自是众生不会我意，致令生死俱不得安。何以故？是阎浮提人初生之时，不问男女，或欲生时，但作善事、增益宅舍，自令土地无量欢喜，拥护子母，得大安乐，利益眷属。或已生下，慎勿杀害，取诸鲜味供给产母，及广聚眷属，饮酒食肉，歌乐絃管，能令子母不得安乐。何以故？是产难时，有无数恶鬼及魍魎精魅、欲食腥血。是我早令舍宅土地灵祇、荷护子

母，使令安乐而得利益。如是之人，见安乐故，便合设福、答诸土地；翻为杀害，聚集眷属。以是之故，犯殃自受，子母俱损。

又阎浮提临命终人，不问善恶，我欲令是命终之人、不落恶道。何况自修善根、增我力故。是阎浮提行善之人、临命终时，亦有百千恶道鬼神，或变作父母、乃至诸眷属，引接亡人，令落恶道。何况本造恶者。世尊！如是阎浮提男子女人临命终时，神识昏昧，不辨善恶，乃至眼耳更无见闻。是诸眷属，当须设大供养，转读尊经，念佛菩萨名号。如是善缘，能令亡者离诸恶道，诸魔鬼神悉皆退散。世尊！一切众生临命终时，若得闻一佛名、一菩萨名，或大乘经典一句一偈。我观如是辈人，除五无间杀害之罪，小小恶业、合堕恶趣者，寻即解脱。

佛告主命鬼王：汝大慈故，能发如是大愿，于生死中、护诸众生。若未来世中，有男子女人至生死时，汝莫退是愿，总令解脱，永得安乐。

鬼王白佛言：愿不有虑！我毕是形，念念拥护阎浮众生，生时死时、俱得安乐。但愿诸众生于生死时、信受我语，无不解脱，获大利益。

尔时佛告地藏菩萨：是大鬼王主命者，已曾经百千生作大鬼王，于生死中拥护众生。是大士慈悲愿故、现

大鬼身，实非鬼也。却后过一百七十劫，当得成佛，号曰无<sup>xiàng</sup>相如来，劫名安<sup>lè</sup>乐，世界名净住，其佛寿命不可计劫。地<sup>zàng</sup>藏，是大鬼王，其事如是不可思议，所度人天亦不可限量。

### 称佛名号品第九 ↑

尔时地<sup>zàng</sup>藏菩萨摩诃萨白佛言：世尊！我今为未来众生演利益事，于生死中、得大利益，唯愿世尊听我说之。

佛告地<sup>zàng</sup>藏菩萨：汝今欲兴慈悲，救<sup>bá</sup>拔一切罪苦六道众生，演不思议事，今正是时，唯当速<sup>nièpán</sup>说。吾即涅槃，使汝早毕是愿，吾亦无忧现在未来一切众生。

地<sup>zàng</sup>藏菩萨白佛言：世尊！过去无量阿僧<sup>qí</sup>祇劫、有佛出世，号无边身如来。若有男子女人闻是佛名，暂生恭敬，即得超越四十劫生死重罪。何况塑画形像，供养赞叹，其人获福无量无边！

又于过去恒河沙劫、有佛出世，号宝性如来。若有男子女人闻是佛名，一弹指顷、发心皈依，是人于无上道永不退转。

又于过去有佛出世，号波头摩胜如来。若有男子女人闻是佛名，历于耳根，是人当得千返生于六欲天中，何况志心称念。

又于过去不可说不可说阿僧<sup>qí</sup>祇劫、有佛出世，号师

子吼如来。若有男子女人闻是佛名，一念皈依，是人得遇无量诸佛摩顶授记。

又于过去有佛出世，号拘留孙佛。若有男子女人闻是佛名，志心瞻礼，或复赞叹，是人于贤劫千佛会中、为大梵王，得授上记。

又于过去有佛出世，号毗婆尸。若有男子女人闻是佛名，永不堕恶道，常生人天，受胜妙乐。

又于过去无量无数恒河沙劫、有佛出世，号宝胜如来。若有男子女人闻是佛名，毕竟不堕恶道，常在天上受胜妙乐。

又于过去有佛出世，号宝相如来。若有男子女人闻是佛名，生恭敬心，是人不久得阿罗汉果。

又于过去无量阿僧祇劫、有佛出世，号袈裟幢如来。若有男子女人闻是佛名者，超一百大劫生死之罪。

又于过去有佛出世，号大通山王如来。若有男子女人闻是佛名者，是人得遇洹河沙佛广为说法，必成菩提。

又于过去有净月佛、山王佛、智胜佛、净名王佛、智成就佛、无上佛、妙声佛、满月佛、月面佛，有如是等不可说佛。

世尊，现在未来一切众生，若天若人，若男若女，但念得一佛名号，功德无量，何况多名。是众生等，生

时死时、自得大利，终不堕<sup>duò</sup>恶道。若有临命终人，家中眷属，乃至一人、为是病人高声念一佛名，是命终人、除五无间<sup>jiàn</sup>罪，余业报等悉得消灭。是五无间<sup>jiàn</sup>罪、虽至极重，动经亿劫、了不得出，承斯临命终时、他人<sup>jiàn</sup>为其称念佛名，于是罪中、亦渐消灭；何况众生自称自念，获福无量，灭无量罪！

## 地藏菩萨本愿经 卷中

赞

普贤启问，地藏宏开，三途六道绝尘埃，普广问如来，授记十斋，接引上莲台。

南无地藏<sup>zàng</sup>王菩萨！（三称）

## 地藏菩萨本愿经 卷下

唐于阗<sup>tián</sup>国三藏沙门实叉难陀<sup>zàng</sup>译

较量布施功德缘品第十 ↑

尔时地藏<sup>zàng</sup>菩萨摩诃萨承佛威神，从座而起，胡跪合掌白佛言：世尊！我观业道众生，较量<sup>jiào</sup>布施，有轻有重，有一生受福，有十生受福，有百生千生受大福利者。是事云何？唯愿世尊为我说之。

尔时佛告地藏<sup>zàng</sup>菩萨：吾今于忉利<sup>dāo</sup>天宫一切众会、说阎浮提<sup>jiào</sup>布施。较量功德轻重，汝当谛听，吾为汝说。

地藏<sup>zàng</sup>白佛言：我疑是事，愿乐<sup>yào</sup>欲闻。

佛告地藏菩萨：南阎浮提，有诸国王、宰辅大臣、大长者、大刹利、大婆罗门等，若遇最下贫穷，乃至癯残喑哑、聋痴无目，如是种种不完具者；是大国王等欲布施时，若能具大慈悲下心含笑，亲手徧布施，或使人施，软言慰喻；是国王等所获福利，如布施百恒河沙佛功德之利。何以故？缘是国王等、于是最贫贱辈及不完具者、发大慈心，是故福利有如此报。百千生中、常得七宝具足，何况衣食受用。

复次地藏，若未来世，有诸国王、至婆罗门等，遇佛塔寺、或佛形像，乃至菩萨声闻辟支佛像，躬自营办供养布施；是国王等，当得三劫为帝释身，受胜妙乐。若能以此布施福利、回向法界，是大国王等，于十劫中、常为大梵天王。

复次地藏，若未来世，有诸国王、至婆罗门等，遇先佛塔庙、或至经像、毁坏破落，乃能发心修补。是国王等，或自营办，或劝他人、乃至百千人等布施结缘；是国王等，百千生中常为转轮王身；如是他人同布施者，百千生中常为小国王身。更能于塔庙前、发回向心。如是国王乃及诸人、尽成佛道，以此果报无量无边。

复次地藏，未来世中，有诸国王及婆罗门等，见诸老病及生产妇女，若一念间、具大慈心，布施医药饮食

卧具，使令安乐。如是福利最不思议，一百劫中常为净居天主，二百劫中常为六欲天主，毕竟成佛，永不堕恶道，乃至百千生中、耳不闻苦声。

复次地藏，若未来世中，有诸国王及婆罗门等、能作如是布施，获福无量；更能回向，不问多少，毕竟成佛，何况释梵转轮之报。是故地藏，普劝众生当如是学。

复次地藏，未来世中，若善男子善女人，于佛法中，种少善根，毛发沙尘等许，所受福利、不可为喻。

复次地藏，未来世中，若有善男子善女人，遇佛形像、菩萨形像、辟支佛形像、转轮王形像，布施供养。得无量福，常在人天受胜妙乐。若能回向法界，是人福利不可为喻。

复次地藏，未来世中，若有善男子善女人，遇大乘经典，或听闻一偈一句，发殷重心，赞叹恭敬、布施供养。是人获大果报、无量无边。若能回向法界，其福不可为喻。

复次地藏，若未来世中，有善男子善女人、遇佛塔寺、大乘经典。新者布施供养，瞻礼赞叹，恭敬合掌。若遇故者、或毁坏者，修补营理，或独发心，或劝多人同共发心。如是等辈，三十生中常为诸小国王，檀越之人、常为轮王，还以善法教化诸小国王。

复次地藏<sup>zàng</sup>，未来世中，若有善男子善女人，于佛法中所种善根，或布施供养，或修补塔寺，或装理经典，乃至一毛一尘，一沙一<sup>dī</sup><sup>lè</sup>。如是善事，但能回向法界，是人功德，百千生中受上妙乐。如但回向自家眷属、或自身利益，如是之果，即三生受乐<sup>lè</sup>，舍一得万报。是故地藏<sup>zàng</sup>，布施因缘，其事如是。

### 地神护法品第十一↑

尔时坚牢地神白佛言：世尊！我从昔来、瞻视顶礼无量菩萨摩訶萨，皆是大不可思议神通智慧，广度众生。是地藏<sup>zàng</sup>菩萨摩訶萨，于诸菩萨誓愿深重。世尊！是地藏<sup>zàng</sup>菩萨、于阎浮提有大因缘。如文殊、普贤、观音、弥勒，亦化百千身形、度于六道，其愿尚有毕竟。是地藏<sup>zàng</sup>菩萨教化六道一切众生，所发誓愿劫数、如千百亿恒河沙。

世尊！我观未来及现在众生，于所住处，于南方<sup>kān</sup>清洁之地、以土石竹木作其<sup>kān</sup>龕室，是中能塑画、乃至金银铜铁作地藏<sup>zàng</sup>形像，烧香供养，瞻礼赞叹，是人居处、即得十种利益。何等为十？一者、土地丰壤；二者、家宅永安；三者、先亡生天；四者、现存益寿；五者、所求<sup>sù</sup>遂意；六者、无水火灾；七者、虚耗辟除；八者、杜绝恶梦；九者、出入神护；十者、多遇圣因。世尊，未来世中、及现在众生，若能于所住处方面、作如是供养，得

如是利益。

复白佛言：世尊！未来世中，若有善男子善女人，于所住处、有此经典及菩萨像，是人更能转读经典，供养菩萨。我常日夜以本神力、卫护是人乃至水火盗贼，大横小横，一切恶事，悉皆消灭。

佛告坚牢地神：汝大神力，诸神少及。何以故？阎浮土地，悉蒙汝护，乃至草木沙石，稻麻竹苇，谷米宝贝，从地而有，皆因汝力。又常称扬地藏菩萨利益之事。汝之功德、及以神通，百千倍于常分地神。若未来世中，有善男子善女人，供养菩萨、及转读是经，但依地藏本愿经一事修行者汝以本神力而拥护之，勿令一切灾害及不如意事、辄闻于耳，何况令受。非但汝独护是人故，亦有释梵眷属、诸天眷属、拥护是人。何故得如是圣贤拥护？皆由瞻礼地藏形像及转读是本愿经故，自然毕竟出离苦海，证涅槃乐。以是之故，得大拥护。

## 见闻利益品第十二 ↑

尔时世尊从顶门上放百千万亿大毫相光，所谓白毫相光、大白毫相光，瑞毫相光、大瑞毫相光，玉毫相光、大玉毫相光，紫毫相光、大紫毫相光，青毫相光、大青毫相光，碧毫相光、大碧毫相光，红毫相光、大红毫相光，绿毫相光、大绿毫相光，金毫相光、

大金毫相光，庆云毫相光、大庆云毫相光，千轮毫光、大千轮毫光，宝轮毫光、大宝轮毫光，日轮毫光、大日轮毫光，月轮毫光、大月轮毫光，宫殿毫光、大宫殿毫光，海云毫光、大海云毫光。于顶门上放如是等毫相光已，出微妙音，告诸大众，天龙八部，人非人等：听吾今日于忉利天宫、称扬赞叹地藏菩萨于人天中、利益等事、不思議事、超圣因事、证十地事、毕竟不退阿耨多罗三藐三菩提事。

说是语时，会中有一菩萨摩訶萨、名观世音，从座而起，胡跪合掌白佛言：世尊！是地藏菩萨摩訶萨具大慈悲，怜愍罪苦众生，于千万亿世界、化千万亿身。所有功德及不思議威神之力，我闻世尊与十方无量诸佛、异口同音赞叹地藏菩萨云：正使过去现在未来诸佛说其功德，犹不能尽！向者又蒙世尊普告大众，欲称扬地藏利益等事。唯愿世尊为现在未来一切众生、称扬地藏不思議事，令天龙八部、瞻礼获福。

佛告观世音菩萨：汝于娑婆世界有大因缘。若天若龙，若男若女，若神若鬼，乃至六道罪苦众生，闻汝名者，见汝形者，恋慕汝者，赞叹汝者。是诸众生，于无上道、必不退转。常生人天，具受妙乐。因果将熟，遇佛受记。汝今具大慈悲，怜愍众生、及天龙八部，听吾

宣说地藏菩萨不思议利益之事。汝当谛听，吾今说之。

观世音言：唯然，世尊，愿乐欲闻。

佛告观世音菩萨：未来现在诸世界中，有天人受天福尽，有五衰相现，或有堕于恶道之者。如是天人、若男若女，当现相时，或见地藏菩萨形像，或闻地藏菩萨名，一瞻一礼。是诸天人，转增天福，受大快乐，永不堕三恶道报；何况见闻菩萨，以诸香华、衣服饮食、宝贝瓔珞、布施供养，所获功德福利、无量无边！

复次观世音，若未来现在诸世界中，六道众生临命终时，得闻地藏菩萨名，一声历耳根者。是诸众生，永不历三恶道苦。何况临命终时，父母眷属，将是命终人舍宅财物、宝贝衣服、塑画地藏形像；或使病人未终之时，眼耳见闻，知道眷属将舍宅宝贝等、为其自身塑画地藏菩萨形像。是人若是业报合受重病者，承斯功德，寻即除愈，寿命增益；是人若是业报命尽，应有一切罪障业障，合堕恶趣者。承斯功德，命终之后，即生人天，受胜妙乐，一切罪障、皆悉消灭。

复次观世音菩萨，若未来世、有男子女人，或乳哺时，或三岁五岁十岁以下，亡失父母、乃及亡失兄弟姊妹，是人年既长大，思忆父母及诸眷属，不知落在何趣、生何世界、生何天中。是人若能塑画地藏菩萨形像，乃至

闻名、一瞻一礼，一日至七日，莫退初心，闻名见形，瞻礼供养。是人眷属，假因业故，堕恶趣者，计当劫数，承斯男女兄弟姊妹塑画地藏形像、瞻礼功德，寻即解脱；生人天中，受胜妙乐。是人眷属，如有福力，已生人天、受胜妙乐者，即承斯功德，转增圣因，受无量乐。是人更能三七日中、一心瞻礼地藏形像，念其名字、满于万遍。当得菩萨现无边身，具告是人、眷属生界；或于梦中、菩萨现大神力，亲领是人，于诸世界、见诸眷属。更能每日念菩萨名千遍、至于千日。是人当得菩萨遣所在土地鬼神、终身卫护，现世衣食丰溢，无诸疾苦。乃至横事不入其门，何况及身。是人毕竟得菩萨摩顶授记。

复次观世音菩萨，若未来世，有善男子善女人，欲发广大慈心救度一切众生者，欲修无上菩提者，欲出离三界者。是诸人等，见地藏形像、及闻名者，至心皈依，或以香华衣服，宝贝饮食，供养瞻礼。是善男女等所愿速成，永无障碍。

复次观世音，若未来世，有善男子善女人，欲求现在未来百千万亿等愿、百千万亿等事。但当皈依瞻礼，供养赞叹，地藏菩萨形像。如是所愿所求、悉皆成就。复愿地藏菩萨具大慈悲，永拥护我；是人于睡梦中、即得菩萨摩顶授记。

复次观世音菩萨，若未来世、善男子善女人，于大乘经典、深生珍重，发不思議心，欲读欲诵。纵遇明师教视令熟，旋得旋忘，动经年月、不能读诵。是善男子等，有宿业障未得消除，故于大乘经典无读诵性。如是之人，闻地藏<sup>zàng</sup>菩萨名，见地藏<sup>zàng</sup>菩萨像，具以本心恭敬陈白，更以香华<sup>huā</sup>衣服饮食、一切玩具、供养菩萨。以净水一盞，经一日一夜、安菩萨前，然后合掌请服，回首向南。临入口时，至心郑重，服水既毕，慎五辛酒肉，邪淫妄语，及诸杀害，一七日或三七日。是善男子善女人，于睡梦中，具见地藏<sup>zàng</sup>菩萨现无边身，于是人处、授灌顶水。其人梦觉<sup>jué</sup>，即获聪明，应是经典、一历耳根，即当永记，更不忘失一句一偈。

复次观世音菩萨，若未来世、有诸人等，衣食不足，求者乖愿；或多病疾；或多凶衰，家宅不安，眷属分散；或诸横<sup>hèng</sup>事、多来忤<sup>wǔ</sup>身；睡梦之间、多有惊怖。如是人等，闻地藏<sup>zàng</sup>名，见地藏<sup>zàng</sup>形，至心恭敬、念满万遍<sup>biàn</sup>。是诸不如意事、渐渐消灭，即得安<sup>lè</sup>乐，衣食丰溢，乃至至于睡梦中、悉皆安<sup>lè</sup>乐。

复次观世音菩萨，若未来世、有善男子善女人，或因治生，或因公私，或因生死或因急事，入山林中，过渡河海、乃及大水，或经险道。是人先当念地藏<sup>zàng</sup>菩萨名

万遍<sup>biàn</sup>，所过土地，鬼神卫护，行住坐卧、永保安乐<sup>lè</sup>。乃至逢于虎狼狮子、一切毒害，不能损之。

佛告观世音菩萨：是地藏<sup>zàng</sup>菩萨、于阎浮提有大因缘，若说于诸众生见闻利益等事，百千劫中、说不能尽。是故观世音，汝以神力流布是经，令娑婆<sup>suō</sup>世界众生、百千万劫永受安乐<sup>lè</sup>。

尔时世尊而说偈言：

吾观地 <sup>zàng</sup> 藏威神力	恒河沙劫说难尽
见闻瞻礼一念间	利益人天无量事
若男若女若龙神	报尽应当堕 <sup>duò</sup> 恶道
至心皈依大士身	寿命转增除罪障
少 <sup>shào</sup> 失父母恩爱者	未知魂神在何趣
兄弟姊妹及诸亲 <sup>zī</sup>	生长以来皆不识
或塑或画大士身	悲恋瞻礼不暂舍
三七日中念其名	菩萨当现无边体
示其眷属所生界	纵堕 <sup>duò</sup> 恶趣寻出离
若能不退是初心	即获摩顶受圣记
欲修无上菩提者	乃至出离三界苦
是人既发大悲心	先当瞻礼大士像
一切诸愿速成就	永无业障能遮止
有人发心念经典	欲度群迷超彼岸

虽立是愿不思議 旋读旋忘多废失  
斯人有业障惑故 于大乘经不能记  
供养地<sup>zàng</sup>藏以香<sup>huā</sup>华 衣服饮食诸玩具  
以净水安大士前 一日一夜求服之  
发殷重心慎五辛 酒肉邪淫及妄语  
三七日内勿杀害 至心思念大士名  
即于梦中见无边 觉<sup>jué</sup>来便得利根耳  
应是经教历耳闻 千万生中永不忘  
以是大士不思議 能使斯人获此慧  
贫穷众生及疾病 家宅凶衰眷属离<sup>sui</sup>  
睡梦之中悉不安 求者乖违无称遂  
至心瞻礼地<sup>zàng</sup>藏像 一切恶事皆消灭  
至于梦中尽得安 衣食丰饶神鬼护  
欲入山林及渡海 毒恶禽兽及恶人  
恶神恶鬼并恶风 一切诸难诸苦恼  
但当瞻礼及供养 地<sup>zàng</sup>藏菩萨大士像  
如是山林大海中 应是诸恶皆消灭  
观音至心听吾说 地<sup>zàng</sup>藏无尽不思議  
百千万劫说不周 广宣大士如是力  
地<sup>zàng</sup>藏名字人若闻 乃至见像瞻礼者  
香<sup>huā</sup>华衣服饮食奉 供养百千受妙<sup>lè</sup>乐

若能以此回法界 毕竟成佛超生死  
是故观音汝当知 普告恒沙诸国土

### 嘱累人天品第十三 ↑

尔时世尊举金色臂、又摩地<sup>zàng</sup>藏菩萨摩诃萨顶，而作是言：地<sup>zàng</sup>藏地<sup>zàng</sup>藏，汝之神力、不可思议，汝之慈悲、不可思议，汝之智慧、不可思议，汝之辩才、不可思议，正使十方诸佛赞叹宣说汝之不思議事，千万劫中不能得尽。地<sup>zàng</sup>藏地<sup>zàng</sup>藏，记吾今日在忉利天中，于百千万亿不可说不可说一切诸佛菩萨，天龙八部，大会之中，再以人天诸众生等未出三界、在火宅中者、付嘱于汝。无令是诸众生、堕<sup>duò</sup>恶趣中一日一夜，何况更落五无间<sup>jiàn</sup>及阿鼻地狱，动经千万亿劫、无有出期。

地<sup>zàng</sup>藏，是南阎浮提众生，志性无定，习恶者多。纵发善心，须臾即退。若遇恶缘，念念增长。以是之故，吾分是形、百千亿化度，随其根性而度脱之。地<sup>zàng</sup>藏，吾今殷勤以天人众，付嘱于汝。未来之世，若有天人及善男子善女人，于佛法中、种<sup>shǎo</sup>少善根，一毛一尘，一沙<sup>dī</sup>一涕。汝以道力拥护是人、渐修无上，勿令退失。

复次地<sup>zàng</sup>藏，未来世中，若天若人，随业报应，落在恶趣。临堕<sup>duò</sup>趣中，或至门首，是诸众生，若能念得一佛名、一菩萨名、一句一偈大乘经典。是诸众生，汝以神

力方便救拔，于是人所、现无边身，为碎地狱，遣令生天，受胜妙乐。

尔时世尊而说偈言：

现在未来天人众 吾今殷勤付嘱汝  
以大神通方便度 勿令堕在诸恶趣

尔时地藏菩萨摩诃萨胡跪合掌白佛言：世尊！唯愿世尊不以为虑！未来世中，若有善男子善女人，于佛法中、一念恭敬，我亦百千方便、度脱是人于生死中，速得解脱；何况闻诸善事，念念修行，自然于无上道永不退转！

说是语时，会中有一菩萨名虚空藏，白佛言：世尊！我自至忉利，闻于如来赞叹地藏菩萨、威神势力，不可思议。未来世中，若有善男子善女人、乃至一切天龙，闻此经典及地藏名字，或瞻礼形像，得几种福利？唯愿世尊，为未来现在一切众等略而说之。

佛告虚空藏菩萨：谛听谛听！吾当为汝分别说之。若未来世，有善男子善女人，见地藏形像、及闻此经，乃至读诵，香华饮食，衣服珍宝，布施供养，赞叹瞻礼，得二十八种利益：一者、天龙护念；二者、善果日增；三者、集圣上因；四者、菩提不退；五者、衣食丰足；六者、疾疫不临；七者、离水火灾；八者、无盗贼厄；

九者、人见钦敬；十者、神鬼助持；十一者、女转男身；十二者、为王臣女；十三者、端正相好；十四者、多生天上；十五者、或为帝王；十六者、宿智命通；十七者、有求皆从；十八者、眷属欢乐；十九者、诸横消灭；二十者、业道永除；二十一者、去处尽通；二十二者、夜梦安乐；二十三者、先亡离苦；二十四者、宿福受生；二十五者、诸圣赞叹；二十六者、聪明利根；二十七者、饶慈愍心；二十八者、毕竟成佛。

复次、虚空藏菩萨，若现在未来，天龙鬼神，闻地藏名，礼地藏形，或闻地藏本愿事行、赞叹瞻礼，得七种利益：一者、速超圣地；二者、恶业消灭；三者、诸佛护临；四者、菩提不退；五者、增长本力；六者、宿命皆通；七者、毕竟成佛。

尔时十方一切诸来，不可说不可说诸佛如来、及大菩萨、天龙八部、闻释迦牟尼佛，称扬赞叹地藏菩萨大威神力、不可思议，叹未曾有。是时忉利天，雨无量香华，天衣珠璎，供养释迦牟尼佛及地藏菩萨已，一切众会，俱复瞻礼，合掌而退。

## 地藏菩萨本愿经 卷下

赞 ↑

地藏本誓，较量经因，癡残瘖哑是前生，今世讽大

乘，福利无穷，决定宝莲生。

南无地藏王菩萨！（三称）

### 地藏菩萨灭定业真言

唵，钵啰末邻陀宁，娑婆诃。

### 补阙真言

南谟喝啰怛那，哆啰夜耶。佉啰佉啰。俱住俱住。

摩啰摩啰。虎啰，吽。贺贺，苏怛拏，吽。泼抹拏，娑婆诃。

### 补阙圆满真言

唵，呼嚧呼嚧，社曳穆契娑诃。

### 七佛灭罪真言

离婆离婆帝。求诃求诃帝。陀罗尼帝。尼诃啰帝。

毗黎你帝。摩诃伽帝。真陵乾帝。娑婆诃。

### 回向偈

愿以此功德，庄严佛净土，  
上报四重恩，下济三涂苦，  
若有见闻者，悉发菩提心，  
尽此一报身，同生极乐国。

**拔一切业障根本得生净土陀罗尼** ↑

南无阿弥多婆夜。哆他伽多夜。哆地夜他。阿弥利都婆毗，阿弥利哆，悉耽婆毗。阿弥唎哆，毗迦兰帝。

阿弥唎哆。毗迦兰多。伽弥膩，伽伽哪。枳多迦利，娑婆诃。

### 地藏赞

地藏<sup>zàng</sup>菩萨妙难伦，化现金容处处分，  
三涂六道闻妙法，四生十类蒙慈恩，  
明珠照彻天堂路，金锡振开地狱门，  
累劫<sup>lěi</sup>亲姻蒙接引，九莲台畔礼慈尊。

南无九华山幽冥世界，  
大慈大悲，地藏<sup>zàng</sup>王菩萨。

南无地藏<sup>zàng</sup>王菩萨（数百千声）。

### 三皈依

自皈依佛，当愿众生，体解大道，发无上心；  
自皈依法，当愿众生，深入经藏，智慧如海；  
自皈依僧，当愿众生，统理大众，一切无碍。  
和南圣众。



地藏莲社于 2020 年 10 月制作